

C. VALERI FLACCI

280 fugerit Inoo linquens Athamanta Learcho;
aureus ut iuvenem miserantibus intulit undis
vector et adstrictis ut sedit cornibus Helle.
septem Aurora vias totidemque peregerat umbras
luna polo, dirimique procul non aequore visa
285 cooperat a gemina discedere Sestos Abydo.
hic soror Aeoliden aevum mansura per omne
deserit, heu saevae nequ quam erepta novercae.
illa quidem fessis longe petit umida palmis
vellera, sed bibulas urgenti pondere vestes
290 unda trahit levique manus labuntur ab auro.
quis tibi, Phrixe, dolor, rapido cum concitus aestu
respiceret miserae clamantia virginis ora
extremasque manus sparsosque per aequora crines!

Iamque mero ludoque modus positique quietis
295 conticuere toris; solus quibus ordine fusis
impatiens somni ductor manet. hunc gravis Aeson
et pariter vigil Alcimede spectantque tenentque
pleni oculos. illis placidi sermonis Iason
suggerit adfatus turbataque pectora mulcet.
300 mox ubi victa gravi ceciderunt lumina somno
visa coronatae fulgens tutela carinae
302 vocibus his instare duci: 'Dodonida quercum
308 Chaoniique vides famulam Iovis. aequora tecum
303 ingredior, nec fatidicis avellere silvis
me nisi promisso potuit Saturnia caelo.
305 tempus adest; age rumpe moras, dumque aequore toto
currimus incertus si nubila duxerit aether,
307 iam nunc mitte metus fidens superisque mihique.'
309 dixerat. ille pavens, laeto quamquam omne divum,
310 prosiluit stratis. Minyas simul obtulit omnes